

玉

海

七

玉海卷第十二

浚儀王應麟伯厚甫

律曆

時令

炎帝分八節

晉志炎帝分八節以始農功伏羲造八卦作三畫以象二十四氣家語黃帝治五氣高辛曆日月之生朔而迎送之左傳少皞有分至啟閉之官史記高陽載時以象天月令章句大撓探五行之情占斗剛所建始作甲乙以名日謂之幹作子丑以名日

謂之枝枝幹相配以成六旬 宋志高陽氏以十一月爲正蓼玉以赤繒高辛氏以十三月爲正蓼玉以白繒 又見後

黃帝迎日推策

史記注策數也未來而推之曰迎黃帝得蓍以推算曆數於是逆知節氣日辰之將來故曰推策迎日

堯授人時 舜協時月正日

書堯典乃命羲和欽若昊天曆象日月星辰敬授人時 舜典協時月正日注合四時之氣節月之大小日之甲乙使齊一也正義周禮太史正歲年頒告朔

於邦國則節氣晦朔皆天子頒之世本云容成作曆
大撓作甲子皆黃帝之臣蓋自黃帝已來始用甲子
紀日每六十日甲子一周 宋志高堂隆曰尙書傳
曰舜定鍾石更四時改堯正

夏四時書 小正

禮運孔子曰欲觀夏道之杞而不足證也吾得夏時
焉注得夏四時之書也其書存者有小正

本或作有夏小正

正義夏四時之書殷坤乾之說並載前王損益陰陽
盛衰故觀此二書知二代

家語問禮篇同

大戴禮

第二卷夏小正第四十七正月啟蟄鴈北鄉雉震咷

魚陟負冰農緯厥耒初歲祭耒圉有韭時有俊風滌

凍塗田鼠出農率均田獺祭魚鷹則爲鳩農及雪澤

初服于公田采芸鞠則見初昏參中斗柄垂在下柳

梯

文選注引

梅杏桃李則華緹縞雞桴粥二月往耬黍禪

初俊羔助厥母粥綏多女士丁亥萬用入學祭鮪榮

莖菜色菜蘩田胡昆小蟲抵蜺來降燕乃睇剝鱗有

鳴倉庚榮芸梯始收三月參則伏攝桑委楊犂羊鼐

則鳴頒冰采識

草也

妾子始蠶執養宮事祈麥實越有

小旱田鼠化爲鴛拂桐芭鳴鳩四月昴則見初昏南

門正鳴扎圉有見杏鳴蜮王萑莠

詩七月箋引之

取荼越有

大旱執陟攻駒五月參則見浮游有殷鳩則鳴時有
養白乃瓜良蜩鳴宴之興五日翕望乃伏啟灌藍蓼
鳩爲鷹唐蜩鳴初昏大火中種黍菽糜煮梅蓄蘭頒
馬六月初昏斗柄正在上煮桃鷹始擊七月莠萑葦

捭子肇肆湟潦生萃爽死萃莠漢案戶寒蟬鳴初

昏織女正東鄉

文選注引之

時有霖雨漑荼斗柄垂在

下則旦八月剝瓜立校剝棗栗零丹鳥差白鳥

蚊蚋

辰則伏鹿人從駕爲鼠參中則旦九月內火還鴻
鴈主夫出火陟立鳥蟄熊羆貉鼪鼯則穴榮鞠
植麥王始裘雀入于海爲蛤十月豺祭獸初昏南

門見黑鳥浴時有養玄雉入于淮爲蜃織女正北鄉

十有一月王狩陳筋革嗇人不從萬物不通隕麋角

十有二月鳴弋玄駒賁

也

納蒜虞人入梁隕麋角

史禹紀太史公曰孔子正夏時學者多傳夏小正

索

隱云大戴記篇名

隋志夏小正一卷戴德撰

德取以爲

記云撰誤矣唐志大戴禮十三卷無小正之別

唐志大衍曆日度議曰

夏小正雖頗疏簡失傳乃羲和遺跡何承天循大戴

之說復用夏時更以正月甲子夜半合朔雨水爲上

元進乖夏曆退非周正故近代推月令小正者皆不

與古合開元曆推夏時立春日在營室之末昏東井

二度中古曆以參右肩爲距方當南正故小正曰正
月初昏斗杓垂在下魁枕參首所以著參中也季春
在昴十一度半去參距星十八度故曰三月參則伏
立夏日在井四度昏角中南門右星入角距西五度
左星入角距東六度故曰四月初昏南門正昴則見
五月節日在輿鬼一度半參去日道最遠以渾儀度
之參體始見肩股猶在濁中房星正中故曰五月參
則見初昏大火中八月參中則旦失傳也辰伏則參
見非中也十月初昏南門見亦失傳也定星方中則
南門伏非昏見也 月令注夏小正正月啟蟄漢始

亦以驚蟄爲正月中 詩七月箋夏小正四月王荳

秀夢其是與

引小正百凡九

爾雅注引夏小正

傳 月令注夏小正正月啟蟄魚陟負冰孟春農率

均田仲春丁亥万用入學季春妾子始蠶執養宮事

孟夏今月令曰王荳生夏小正曰王荳秀仲夏五月

啟灌藍蓼季夏鷹始摯仲秋九月丹鳥羞白鳥說曰

丹鳥謂丹良也孟冬十一月王狩

凡九

文選注白

虎通郭璞注爾雅通典初學記宋曆志大衍曆議皆

引夏小正

始於啟蟄終於隕麋角

傳曰何以謂之

小正以小著名也 周禮疏管子篇時令云春以令

男女以仲春著在詩易夏小正之文 二月綏多女士

春秋正義引正月啟蟄其傳曰言始發蟄也 北

史魏孝武釋奠國學詔中書舍人盧景宣講大戴禮

夏小正篇 語顏淵問爲邦子曰行夏之時 左傳

漢志 夏數得天得四時之正也 谷永傳漢家行夏

正夏正色黑 豳七月之詩皆以夏正爲斷三之日

夏正月也 孔叢子子思曰夏數得天堯舜之所同

也殷周王征伐革命以應乎天因改正朔三統之義

夏得其正是以夫子云 春秋元命包樂稽耀嘉云

夏以十三月爲正息卦受泰注云物之始其色尙黑

以寅爲朔 月令正義云呂不韋在於秦世秦以十月爲歲首不用秦正而用夏時者以夏數得天正也周禮雖以建子爲正其祭祀田獵亦用夏正 史記正月上日正義云鄭立云舜正建子此時未改故依堯 周書周月云夏數得天百王所同 商頌疏正朔三而改夏以建寅爲正則舜當以子堯當以丑朱子發曰二十四氣七十二候見於周公之時訓呂不韋取以爲月令焉其上則見於夏小正夏小正者夏后氏之書孔子得之於杞者也夏建寅故其書始於正月周建子而授民時巡狩烝享皆用夏正故其

書始於立春夏小正具十二月而無中氣有候應而
無日數至于時訓乃五日爲候三候爲氣六十日爲
節二書詳略雖異其大要則同豈時訓因小正而加
詳歟易通卦驗易家傳先師之言所記氣候比之時
訓晚者二十有四早者三當以時訓爲定故子雲太
玄二十四氣關子明論七十二候皆以時訓 鄭玄

曰月在星紀周以爲正月在玄枵殷以爲正皆不得

四時之正

後五行志注

傅崧卿序曰鄭注月令引

小正者八政和中閱關澮藏書始得而讀之星昏旦
伏見中正當鄉若寒暑日風冰雪雨旱之節草木稊

三治卷十二
六
莠榮莠之候羽毛鱗羸蠕動之屬蟄興粥伏鄉遘陟
降離隕鳴呬之應罔不具紀而王政民事繫焉蓋夏
之月令也關本合傳爲一卷而不著作傳人名氏後
讀禮記正義其疏月令注曰大戴禮之篇名也且小
正夏書德所撰傳爾而隋志云然可謂疏矣乃倣左
氏春秋列正文其前而附以傳月爲一篇凡十有二
篇釐爲四卷名曰夏小正戴氏傳宣和辛丑九月一
日序
朱文公曰夏小正疑出迂儒之筆非孔子所
見夏時本文

夏令 時倣

周語單襄公曰辰角見而雨畢天根見而水涸本見而草木節解駟見而隕霜火見而清風戒寒先王之教曰雨畢而除道水涸而成梁草木節解而備藏隕霜而冬裘具清風至而脩城郭宮室

韋昭注教謂月令之屬

夏

令曰九月除道九月成梁其時儆曰收而場功侍而畚揭營室之中土功其始火之初見期于司里此先王所以不用財賄而廣施德於天下也注夏后氏之令周所因也時儆時所以儆告其民政典有先時不及之戒唐大衍曆議亦引夏令云北史李業興案尙書中候運衡篇曰日月營始知尙書正月上

日爲夏正月

周時訓 周書月令

汲冢周書序周公正三統之義作周月辨二十四氣之應以明天時作時訓周公制十二月賦政之法作月令周月解第五十一時訓五十二月令五十三

闕

周月解曰數起于一而成于十次一爲首其義則然

凡四時各有孟仲季以各十有二月中氣以著時應

春三月

中氣雨水春分穀雨

夏三月

中氣小滿夏至

大暑

秋三月

中氣處暑秋分霜降

冬三月

中氣小雪

冬至大寒

閏無中氣斗指兩辰之間夏數得天百王

所同商順天革命變服殊號一文一質示不相沿以
建丑之月爲正易民之視亦越我周王致伐于商改
正異械以垂三統至於敬授民時巡狩祭享猶自夏
焉是謂周月以紀政時訓解自立春之日東風解凍
至大寒又五日鷺鳥厲又五日水澤腹堅

與記月令

同

月令正義初學記引之

郎顗傳大壯用事於

此六日之中靄當發聲注周書時訓曰春分之日元
鳥至又五日靄乃發聲 唐志大衍卦候議七十二
候原於周公時訓月令雖頗有增益然先後之次則
同自後魏始載于曆乃依易軌所傳不合經義今改

從古 日度議引時訓爰始收潦而月令亦云水涸

論語鑽燧改火注周書月令有更火之文正義曰

周書孔子所刪尚書百篇之餘晉太康中得之汲冢

有月令篇其辭今亡 書召誥正義周書月令云三

日粵朏 崇文總目周書月令一卷 唐會要顏師

古議明堂曰文王居明堂之篇

正義王居明堂禮逸禮篇名 帶以

弓鞬禮於祿下九門磔攘禦止疾疫置梁除道以利

農夫令國爲酒以合三族凡此等事皆合月令之文

隋志梁有月令七十二候一卷

月令正義曰二十

四氣每三分之七十二氣氣間五日有餘故一年七